



---

**REPUBLIKA E SHQIPËRISË**  
**MINISTRIA E EKONOMISË DHE INOVACIONIT**  
**INSPEKTORATI SHTETËROR I MBIKËQYRJES SË TREGUT**

**RAPORTI VJETOR**  
**Viti 2025**



**PËRMBAJTJA****1. Profili Institucional**

- *Misioni*.....(fq 3)
- *Struktura organizative dhe burimet njerëzore*.....(fq 4)

**2. Veprimtaria dhe Rezultatet Kryesore**

- *Reformat legislative dhe strukture të ndërmarra, përfshirë ndryshimet në kuadrin rregullator dhe organizativ*.....(fq 5)
- *Projektet e realizuara ose në zbatim, me ndikim në fushën përkatëse të përgjegjësisë*.....(fq 6)
- *Aktivitetet të tjera gjatë periudhës 1 janar – 31 dhjetor 2025*.....(fq 7)

**3. Treguesit Statistikorë dhe Analiza**.....(fq 11)**4. Bashkëpunimi Ndërinstitucional**.....(fq 11)**5. Prioritetet për Vitin Pasardhës**.....(fq 13)**6. Sfidat**.....(fq 15)**7. Aneks**.....(fq 18)

## I. Hyrje

Raporti mbi veprimtarinë e Inspektoratit Shtetëror të Mbikëqyrjes së Tregut (ISHMT) përmban në mënyrë të përmbledhur një analizë të punës së kryer nga ky institucion për vitin 2025, duke përfshirë inspektimet mbi kontrollin e zbatimit të kriterëve ligjore nga subjektet, sipas fokusit të çdo sektori/drejtorie, aktivitetet sensibilizuese, informuese, trajnime e seminare.

Gjithashtu në këtë raport janë paraqitur edhe problemet me të cilat është përballur ISHMT-ja gjatë këtij viti, ku, mund të përmendim si më të rëndësishme për mbarëvajtjen e përditshme të punës: mungesën e mjeteve të transportit, mungesë eksperience të stafit, etj., ndërsa për sa i përket procesit të inspektimit, evident ka qenë mos plotësimi i planit të inspektimit me 18.8 % për shkak të angazhimit të ISHMT-së në fusha të reja inspektimi të diktuar nga situata të veçanta si: monitorimi dhe inspektimi i qeseve plastike mbajtëse, mosgjetja e subjekteve në adresë etj.

Në këtë raport janë paraqitur edhe rekomandime për përmirësimin e punës dhe të marrëdhënieve të bashkëpunimit ndërinstytucional që do të ndikojnë në rritjen e efektivitetit dhe cilësisë së punës së këtij institucioni dhe të një mirëkoordinimi me institucionet e tjera publike, grupet e interesit dhe operatorët ekonomikë.

## II. PROFILI INSTITUCIONAL

### 2.1 Misioni

Inspektorati Shtetëror i Mbikëqyrjes së Tregut (ISHMT) është një institucion qendror publik, buxhetor, në varësi të ministrit përgjegjës për tregtinë dhe me seli në Tiranë<sup>1</sup>.

ISHMT-ja ka për mision garantimin e sigurisë së produkteve për konsumatorët, të vendosura në treg dhe në shërbim/në përdorim, nëpërmjet aktiviteteve mbikëqyrëse sipas legjislacionit përkatës në fuqi. ISHMT-ja është, gjithashtu, përgjegjëse për të monitoruar respektimin e të drejtave të pronësisë intelektuale, si dhe të drejtave të tjera sipas fushës së veprimtarisë institucionale, objekt inspektimi sipas këtij vendimi.

Në zbatim të VKM-së nr.36 datë 20.01.2016 “Për krijimin, organizimin dhe funksionimin e ISHMT”, i ndryshuar, fushat e përgjegjësisë së ISHMT-së janë si më poshtë:

- a) mbrojtja e konsumatorëve, sipas përcaktimit të ligjit për mbrojtjen e konsumatorëve;
- b) mbrojtja e pronësisë industriale, sipas përcaktimit të legjislacionit për pronësinë industriale;
- c) garantimi i mbrojtjes dhe i respektimit të të drejtave të autorit dhe të drejtave të tjera të lidhura me to, sipas përcaktimit të legjislacionit për të drejtat e autorit dhe të drejtat e tjera të lidhura me to;

<sup>1</sup> VKM Nr.36, datë 20.01.2016 “Për krijimin, organizimin dhe funksionimin e ISHMT”.

- ç) inspektimi metrologjik, sipas legjislacionit për metrologjinë;
- d) etiketimi për konsumin e energjisë dhe burimeve të tjera të produkteve me ndikim në energji, sipas përcaktimit të legjislacionit për informacionin e konsumit të energjisë dhe burimeve të tjera të produkteve me ndikim në energji;
- dh) kontrolli i detergjentëve të vendosur në treg sipas dispozitave të ligjit për detergjentët.

## 2.2 Struktura dhe burimet njerëzore

ISHMT-ja organizohet si Drejtori e Përgjithshme me juridiksion në të gjithë territorin e vendit. Struktura dhe organika e ISHMT-së është miratuar me Urdhërin e Kryeministrit nr.73, datë 01.06.2020 “Për miratimin e Strukturës dhe Organikës së Inspektoratit Shtetëror të Mbikëqyrjes së Tregut”, e përbërë nga 4 njësi organizative (Drejtori), 8 njësi organizative (Sektorë). ISHMT ka në organikë **80** punonjës, nga të cilët **75** janë të emëruar dhe **5** pozicione janë aktualisht vakante. Numri i punonjësve sipas sektorëve dhe drejtorive përkatëse është si në tabelën më poshtë.

Stafi i ISHMT sipas sektorëve dhe drejtorive

Drejtoritë/Sektorët	Numri i punonjësve sipas strukturës së miratuar	Numri aktual i punonjësve	%
<b>DREJTORIA TEKNIKE</b>	<b>7</b>	<b>6</b>	<b>86%</b>
<b>DREJTORIA E MBIKËQYRJES SE PRODUKTEVE</b>	<b>42</b>	<b>40</b>	<b>95%</b>
Spektori i Produkteve Elektrike	7	7	100%
Spektori i Produkteve Mekanike	9	9	100%
Spektori i Metrologjisë	16	15	94%
Spektori Kimik dhe Siguria e Përgjithshme	9	9	100%
<b>DREJTORIA E PRONËSISE INTELEKTUALE</b>	<b>18</b>	<b>17</b>	<b>94%</b>
Spektori i Pronësisë Industriale	7	6	86%
Spektori i të Drejtave të Autorit	10	10	100%
<b>DREJTORIA E SHËRBIMEVE MBËSHTETËSE</b>	<b>12</b>	<b>11</b>	<b>92%</b>
Spektori Juridik dhe Shërbimeve Mbështetëse	8	7	88%
Spektori i Financës	3	3	100%
	<b>80</b>	<b>75</b>	<b>94%</b>

### III. Veprimtaria dhe rezultatet kryesore

#### 3.1 Reformat legislative dhe strukture të ndërmarra, përfshirë ndryshimet në kuadrin rregullator dhe organizativ.

- ✓ ISHMT përgjatë 2025, ka qenë pjesë aktive e reformave dhe ndryshimeve ligjore që impaktojnë fushën e saj të veprimtarisë. Reforma e inspektorateve e cila u realizua me hyrjen në fuqi të ligjit nr.99, datë 12.09.2024 “Për Inspektimin në Republikën e Shqipërisë” dhe akteve nënligjore në zbatim të tij, ku institucionet me funksione inspektuese në nivel qendror, në fushën e zbatimit të ligjit për inspektimin, iu nënshtrohen procesit të riorganizimit, përfshirë dhe Inspektoratin Shtetëror të Mbikëqyrjes së Tregut. Disa nga risitë që solli kjo reformë lidhen me:
  - a) Aplikimin e masës administrative “Paralajmërim” në inspektimin e parë të trupës inspektuese;
  - b) Komisioni i shqyrtimit të ankimit tashmë ngrihet pranë Inspektoratit të Përgjithshëm;
  - c) Rekrutimi i inspektorëve do të kryhet nga Komisioni i Rekrutimit dhe i Ecurisë në Karrierë dhe jo DAP, si dhe marrëdhëniet e punës do të rregullohen nga Kodi i Punës dhe jo ligji për statusin e nëpunësit civil.
  - d) Në ligjin 99/2024 parashikohet një nen i veçantë ku përcaktohet se veprimtaria e inspektimit që kryhet nga inspektoratet, dokumentohet dhe administrohet nëpërmjet sistemit elektronik “e-Inspektimi” si dhe për herë të parë implementohet edhe nënshkrimi elektronik për inspektorët.
  - e) Pranë Inspektoratit të Përgjithshëm krijohet Bordi i Inspektimeve, si organ bashkërendues dhe përcaktues i politikave dhe standardeve të përgjithshme të inspektimit, të cilat zbatohen gjatë veprimtarisë së inspektimit nga inspektoratet përgjegjëse.
  
- ✓ Në kuadër të procesit të harmonizimit të legjislacionit Shqiptar me acquis të Bashkimit Evropian, gjatë vitit 2025 është vijuar puna për përafrimin e kuadrit ligjor me Rregulloren (BE) 2011/305/EU, mbi përcaktimin e kushteve për vendosjen në dispozicion të produkteve të ndërtimit në treg. Ky proces është zhvilluar në zbatim të **Urdhrit të Përbashkët të Ministrisë së Infrastrukturës dhe Energjisë dhe Ministrisë së Ekonomisë, Kulturës dhe Inovacionit**, për ngritjen e grupit të përbashkët të punës me qëllim harmonizimin e rregullores 2011/305/EU dhe eliminimin e barrierave teknike në treg. Theksohet se bashkëpunimi ndërmjet dy ministrive përmes këtij urdhri të përbashkët ka garantuar një qasje të koordinuar, teknike dhe institucionale në këtë proces. Përfaqësuesit e ISHMT kanë kontribuar në mënyrë aktive në takimet dhe diskutimet e zhvilluara në kuadër të grupit ndër-institucional, duke marrë pjesë në analizimin e kuadrit ekzistues ligjor dhe përafrimin e tij me kërkesat e rregullores evropiane. Si

rezultat i një pune intensive dhe të koordinuar, është hartuar draft-ligji për harmonizimin e plotë me Rregulloren (BE) 2011/305/EU.

Draft-ligji i përgatitur përbën një hap të rëndësishëm drejt forcimit të sistemit të mbikëqyrjes së tregut dhe garantimit të përputhshmërisë së produkteve të ndërtimit me standardet evropiane.

Megjithatë, theksohet se, pas hyrjes në fuqi të këtij draft ligji, nuk ka parashikime të qarta, nëse pjesë e strukturës zbatuese të ligjit do të jetë edhe Inspektorati Shtetëror i Mbikëqyrjes së Tregut (ISHMT), pasi në draft ligj përmendet termi struktura përgjegjëse e mbikëqyrjes së tregut ku mund të përfshihen një apo më shumë struktura për kryerjen e mbikëqyrjes së tregut për produktet e ndërtimit. Kjo çështje mbetet për t'u përcaktuar në fazën e miratimit dhe akteve nënligjore përkatëse që do të rregullojnë zbatimin praktik të ligjit.

Në përfundim, procesi i harmonizimit paraqet një zhvillim të rëndësishëm institucional për vitin 2025, ndërsa vijon pritja për qartësimin e rolit përfundimtar të institucioneve zbatuese në kuadër të ligjit të ri.

- ✓ ISHMT ka dhënë kontributin e saj në mënyrë aktive në kuadër të procesit të përafrimit të rregullores evropiane 1020/2019 në projektligjin “Per tregtimin dhe mbikëqyrjen e tregut të produkteve joushqimore” që pritet të hyjë në fuqi brenda vitit 2026.



- ✓ Në kuadër të projektligjit “Për Inspektimin në Republikën e Shqipërisë”, si dhe nevojës për shtimin e kapaciteteve institucionale të ISHMT referuar rekomandimeve të BE, ISHMT ka hartuar një strukturë të re e cila rrit numrin e stafit në një masë të pranueshme referuar fushes së veprimtarisë që mbikëqyr ky institucion në krahasim me parashikimet e Urdhër nr. 73, datë 01.06.2020 “Për miratimin e Strukturës dhe Organikës së Inspektoratit Shtetëror të Mbikëqyrjes së Tregut”. Kjo strukturë është dërguar në MEI, në pritje të miratimit dhe daljes akteve nënligjore për krijimin e saj.

### 3.2 Projektet e realizuara ose në zbatim, me ndikim në fushën përkatëse të përgjegjësisë.

Përgjatë 2025 ISHMT ka marrë pjesë në projektet e mëposhtme:

- Projekti “EU4 BUSINESS: FOSTERING THE COMMON REGIONAL MARKET THROUGH QUALITY INFRASTRUCTURE AND E-COMMERCE - GIZ ORF FT”, ka për qëllim të forcojë bashkëpunimin ndërmjet autoriteteve të mbikëqyrjes së tregut në vendet e CEFTA-s dhe të harmonizojë standardet dhe procedurat për produktet e rrezikshme. Fokus i veçantë i jepet produkteve elektrike, si tharëset e flokëve dhe kabllot zgjatuese, për të siguruar që ato janë të sigurta për konsumatorët. Aktivitete kryesore përfshijnë:
  - Shkëmbim përvojash dhe trajnime praktike për inspektimin dhe identifikimin e produkteve jo-konforme.
  - Testime laboratorike dhe kontroll mbi përputhshmërinë me standardet e BE-së.
  - Aksione të përbashkëta rajonale për mbikëqyrjen e tregut dhe shkëmbim informacioni për produktet e rrezikshme.
 Në përfundim, projekti synon të rrisë sigurinë e produkteve, të harmonizojë praktikën e mbikëqyrjes së tregut dhe të forcojë bashkëpunimin rajonal. Ky projekt kontribuon gjithashtu në ngritjen e kapaciteteve teknike të inspektorëve dhe përmirësimin e bashkëpunimit ndërkombëtar.
  
- Projekti SEED+, ka në fokus forcimin e bashkëpunimit të vendeve anëtare të CEFTA për shkëmbimin e informacionit për produktet jo të sigurta dhe trajnimin e vazhdueshëm të autoriteteve të mbikëqyrjes së tregut mbi databazën për produktet jo të sigurta e cila është bërë funksionale në vitin 2023.



- Projekti i UNECE “Mainstreaming Gender Throughout the Quality Infrastructure”, e cila ka në fokus barazinë gjinore në institucionet e infrastrukturës së cilësisë.

### 3.3 Aktivitetet të tjera gjatë periudhës 1 janar – 31 dhjetor 2025

Në periudhën janar-dhjetor 2025 ISHMT ka marrë pjesë/organizuar në aktivitetet e mëposhtme:

- ❖ **Janar-Dhjetor 2025** - Zhvillimi i takimeve koordinuese me të gjitha Prefekturat e qarqeve të vendit, me qëllim forcimin e bashkëpunimit institucional dhe garantimin e sigurisë së ashensorëve në territor. Procesi nisi me ritme pozitive, duke reflektuar angazhim të menjëhershëm nga një pjesë e madhe e prefekturave. Në vijim të komunikimit zyrtar, shumica e Prefekturave ndërmorën hapa konkretë duke iu drejtuar me shpresë bashkive në juridiksionin përkatës, me qëllim evidentimin e

numrit të ashensorëve të instaluar në territorin e tyre. Takimet e zhvilluara patën në fokus:

- Informim mbi situatën aktuale të regjistrimit të ashensorëve;
- Identifikimi i hallkave problematike në zbatimin e detyrimeve ligjore për sigurinë e ashensorëve;
- Përcaktimin e rolit dhe angazhimit të institucioneve vendore në këtë proces.

Ky proces evidentoi rritjen e ndërveprimit institucional dhe përfshirjen aktive të njësive të vetëqeverisjes vendore në çështjet që lidhen me sigurinë e ashensorëve, si dhe njohjen me ligjin 55/2024 “Për administrimin e ndërtesave të përbashkëta të banimit”, ku ndër të tjera, detyron edhe regjistrimin e ashensorit. Gjithashtu, u vu re një nivel i kënaqshëm reagimi nga bashkitë që kthyen përgjigje, duke reflektuar gatishmëri dhe transparencë në raportimin e të dhënave.

Megjithatë, procesi nxori në pah edhe nevojën për:

- Standardizimin e raportimit të të dhënave;
- Informacion të detajuar mbi numrin e instalimeve që ndodhen në nivel qarku;
- Forcimin e mekanizmave të koordinimit ndërmjet institucioneve qendrore dhe vendore.

Në tërësi, ecuria e këtij procesi gjatë vitit 2025 vlerësohet pozitive, duke krijuar një bazë të qëndrueshme për vijimin e masave konkrete në drejtim të rritjes së sigurisë së ashensorëve dhe përmirësimit të kontrollit institucional në nivel vendor.



- ❖ **Janar-Dhjetor 2025** - Në kuadër të funksioneve ligjore për garantimin e sigurisë teknike, ISHMT iu drejtua me shkresë zyrtare të gjitha spitaleve publike në Republikën e Shqipërisë, duke vënë në dijeni edhe Ministrinë e Shëndetësisë dhe Mbrojtjes Sociale. Nisma synoi krijimin e një pasqyre të qartë mbi numrin e ashensorëve, gjendjen teknike e funksionale, respektimin e detyrimeve ligjore për regjistrim, mirëmbajtje dhe kontroll periodik, si dhe kontraktimin e shërbimeve përkatëse. Të dhënat e mbledhura shërbejnë për vlerësimin e nivelit të sigurisë së këtyre pajisjeve me risk të lartë, të cilat kanë rol kritik në transportin e pacientëve dhe stafit mjekësor. Iniciativa synon forcimin e përgjegjësisë institucionale dhe garantimin e standardeve të sigurisë, në mbrojtje të jetës dhe shëndetit të qytetarëve.



- ❖ **26.04.2025** - Zhvillimi i aktiviteteve sensibilizuese në kuadër të **Ditës Botërore të Pronësisë Intelektuale**.
- ❖ **Qershor-Dhjetor 2025** - Në kuadër të Planit të Informimit dhe Këshillimit të subjekteve të inspektimit dhe konsumatorëve qershor-dhjetor 2025”, janë zhvilluar fushata ndërgjegjësuese me në fokus informimin e konsumatorëve dhe këshillimin e subjekteve për kërkesat ligjore që duhet të përmbushin produktet gjatë tregtimit.
- ❖ **16.09.2025** - u zhvillua video conference me ekspertët e komisionit evropian (GD ENEST, DG JUST), me temë “On the presentation of consumer protection fiche, growth plan for the eastern Balkans- Single Market strand”.
- ❖ **12-13 Nëntor 2025** - Marrja pjesë si Key Speaker në Single Market Academy, një akademi që edukon nëpunës civilë dhe biznese për përfitimet e Tregut të Përbashkët Evropian. Akademia ofron trajnime mbi aspektet rregullatore, ligjore dhe praktike për lëvizjen e lirë të mallrave, shërbimeve, kapitalit dhe personave brenda BE-së, duke forcuar kapacitetet për zbatimin e rregullave të ACAA.



- ❖ **05.12.2025** - u zhvillua online takimi i Steering Committee të CEFTA, me pjesëmarrës nga ISHMT, ku u prezantua progres raporti i tretë mbi aktivitetet dhe rezultatet e arritura për periudhën maj-tetor 2025 në kuadër të projektit SEED+.
- ❖ **16.12.2025** - ISHMT mori pjesë në Forumin mbi Mbrojtjen Juridiko-Penale të Pronësisë Intelektuale, i organizuar nga Fakulteti i Drejtësisë, Universiteti i Tiranës, ku u trajtuan çështje që lidhen me mbrojtjen e pronësisë intelektuale, bashkëpunimin ndërinstytucional dhe luftën kundër shkeljeve të të drejtave të saj. ISHMT prezantoi rolin dhe funksionet institucionale, raste konkrete të inspektimeve për ndalimin e mallrave të falsifikuara, si dhe qasjen e mbikëqyrjes së bazuar në vlerësimin e riskut.

Në kuadër të përmirësimit të procedurave në fushën e veprimtarisë së saj ISHMT ndërmorri hapa konkretë përgjatë vitit 2025:

- ❖ Hartimi i Planit të Informimit dhe Këshillimit të subjekteve të inspektimit dhe konsumatorëve qershor-dhjetor 2025”, i mbështetur në “Strategjinë Ndërsektoriale

Për Mbrojtjen e Konsumatorit dhe Mbikëqyrjen e Tregut” 2024 – 2030” ku si rrjedhojë janë organizuar fushata informuese/ndërgjegjësuese për **qeset plastike mbajtëse që përdoren gjatë aktivitetit tregtar**. Në funksion të kësaj fushate janë hartuar edhe formate njoftimi/këshillimi për subjektet, në mënyrë që të njihen me kërkesat ligjore që duhet të përmbushin gjatë tregtimit.

- ❖ Hartimi i Urdhërit “Për publikimin e listës së dokumenteve ekzistuese që ofrohen në formatin e të dhënave të hapura” – Programi i transparencës;
- ❖ Hartimi i Draft Udhëzimit “Për procedurën e regjistrimit, çregjistrimit, ndryshimit dhe përditësimit të të dhënave , si dhe administrimit të regjistrave të ashensorëve pranë ISHMT”;
- ❖ Hartimi i Urdhërit “Për përmirësimin e procedurës për marrjen e informacionit për produktet që inspektohen”.
- ❖ Hartimi i Planit Operacional Vjetor 2026

Për sa i përket fuqizimit dhe rritjes së kapaciteteve njerëzore të ISHMT-së, gjatë kësaj periudhe janë kryer në total **27 trajnime të stafit në** fushën e mbikëqyrjes së tregut, pronësisë intelektuale dhe burimet njerëzore. Është rritur ndjeshën numri i personave që janë trajnuar si pjesë e stafit të ISHMT. Trajnimet janë mbështetur nga donatorë të ndryshëm, ASPA etj.

### III. TREGUESIT STATISTIKORË DHE ANALIZA

#### Të dhëna mbi veprimtarinë e inspektimit të ISHMT 2019-2025

Inspektime	1151	1253	1221	2112	2208	2983	2445
Produkte të kontrolluara	14,202	9799	8124	11,153	5883	8684	5794
Jokonformitete %	1055 (7,4%)	491 (5%)	327 (4%)	886 (7,9%)	225 (3,82%)	118 (1.35%)	74 (1.27%)
Paralajmërimë	113	234	65	68	24	5	114
Gjoba	22	24	63	179	102	101	10
Masa urgjente	56	24	23	38	31	3	2
Produkte të ndaluara	148	57	42	58	-	52	-
<b>Periudha</b>	<b>2019</b>	<b>2020</b>	<b>2021</b>	<b>2022</b>	<b>2023</b>	<b>2024</b>	<b>2025</b>

### IV. BASHKËPUNIM NDËRINSTITUCIONAL

Një aspekt mjaft i rëndësishëm i veprimtarisë së ISHMT është edhe bashkëpunimi ndërinstitucional me institucionet kombëtare dhe partnerët ndërkombëtarë. Përgjatë vitit 2025 ISHMT ka ndërmarrë hapa konkretë në fuqizimin e bashkëpunimit ndërinstitucional, ku mund të përmendim:

- ❖ Bashkëpunimi me Agjencinë Kombëtare të Ushqimit, duke realizuar me sukses tërheqjen urgjente të dy produkteve të rrezikshme për shëndetin e konsumatorëve. Të dy rastet u identifikuan përmes sistemit evropian RASFF. ISHMT ndërhyri menjëherë për identifikimin, bllokimin dhe tërheqjen nga tregu, duke monitoruar nga afër të gjithë zinxhirin e shpërndarjes. Subjektet tregtare bashkëpunuan për kthimin vullnetar të produkteve.
- ❖ Gjithashtu në 2025, për herë të parë, ISHMT ka publikuar një produkt të rrezikshëm në platformën rajonale CEFTA Unsafe Products, duke shënuar një hap të rëndësishëm drejt rritjes së transparencës dhe bashkëpunimit rajonal në fushën e sigurisë së produkteve.

- ❖ Nënshkrimi i marrëveshjes së bashkëpunimit me AMA-n për të luftuar piraterinë audiovizive dhe mbrojtur të drejtat e autorit. Marrëveshja parashikon krijimin e një Task-Force të përbashkët, shkëmbim informacioni dhe iniciativa të përbashkëta ligjore për garantimin e një tregu të drejtë dhe mbrojtjen e krijimtarisë.



- ❖ Marrja pjesë në aksionin e përbashkët midis autoriteteve doganore dhe mbikëqyrjes së tregut, ku u diskutua Aksioni i 3-të Pilot JCMSA (29 shtator - 17 tetor 2025). U identifikuan 16 parregullsi në zinxhirë ndriçimi dhe kordon zgjatues. U theksua rëndësia e bashkëpunimit ndërdoganor për produktet e rrezikshme dhe u rënë dakord për listimin e produkteve me rrezik të lartë.
- ❖ ISHMT në vitin 2025 ka qene pjesë e GPNIE jo vetëm për raportimet për Kapitullin 1, 7 dhe 28 si në vitin 2024, por është angazhuar edhe në raportimet për nënkapituj të veçantë të Kapitujve 15, 12, 27, 14.
- ❖ Janë hartuar 2 draft-Marrëveshje Bashkëpunimi, përkatësisht me Autoriteti i Komunikimeve Elektronike dhe Postare dhe Drejtorinë e Përgjithshme të Metrologjisë.
- ❖ ISHMT si pjesë e task-forcës në zbatim të Urdhërit të Kryeministrit Nr. 35, datë 19.02.2024 "Për përbërjen, mënyrën e organizimit dhe të funksionimit të Task- Forcës për ndalimin e përdorimit, hedhjes në treg, prodhimit, importimit apo futjes në territorin e Republikës së Shqipërisë të qeseve plastike mbajtëse, si dhe të qeseve plastike mbajtëse të oxo-degradueshme dhe oxo-biodegradueshme”, ka kryer inspektime në 1149 subjekte.

## V. PRIORITETET PËR VITIN PASARDHËS

Prioritetet për vitin 2026 janë ngushtësisht të lidhura me sfidat e ndeshura gjatë vitit 2025. Ndaj si prioritetet kryesore mund të përmendim:

### Kontrolli i respektimit të kriterëve ligjore (Inspektimet)

Fokusi kryesor, përtej fushave kryesore ku inspektimet kryhen sipas planit vjetor vit pas viti, do të jetë në: Supermarkete, tabachino dhe minimarkete në të gjithë territorin e Republikës së Shqipërisë, subjekte të regjistruara në S.U.A.D.A., me detyrim ligjor për pajisje me autorizim përkatës, subjekte që tregtojnë vegla pune, materiale ndërtimi dhe produkte të ngjashme, si dhe shtimi i numrit të regjistrimit për ashensorë të instaluar para vitit 2019 dhe të paregjistruar.

**Numri total i inspektimeve që do të kryejë ISHMT për vitin 2026 është 2346 inspektime nga të cilat 1876 janë të planifikuara dhe 470 të paplanifikuara, të cilat janë llogaritur duke patur në konsideratë Metodologjinë e IQ si dhe problematikat e hasura në vite gjatë funksionimit të këtij institucioni. Numri total i inspektimeve të planifikuara për Drejtorinë e Mbikëqyrjes së Produkteve (DMP) për vitin 2026 parashikohet të jetë 1702 inspektime në vit nga të cilat 341 janë pa planifikim dhe 1361 inspektime me planifikim. Numri total i inspektimeve që duhet të kryhen nga DPI parashikohet të jetë 644 inspektime nga të cilët 129 pa planifikim dhe 515 me planifikim.**

### Zbatimi i procedurave të inspektimit me korrektësi

- Kryerja e inspektimeve me tablet nga të gjithë inspektorët;
- Implementimi i programit i protokoll matjeve për parapaketimet (Program në EXCEL) në sistemin e-inspektimi duke evituar përdorimin e kiteve;
- Kryerja e inspektimeve me njoftim me njoftim paraprak të subjektit me përjashtim të inspektimeve të atyre fushave i cili mund të çënojë mbarëvajtjen e procesit, dhe kjo do të jetë e shoqëruar më një informacion bazuar në ligjet e posacme brenda fushë veprimtarisë së ISHMT-së.

### Informimi

- Informimi i operatorëve ekonomikë për zbatimin e kriterëve ligjore mbi sigurinë e produkteve joushqimore si dhe mbi respektimin e të drejtave të pronësisë intelektuale.
- Informimi dhe ndërgjegjësimi i konsumatorëve mbi sigurinë e produkteve dhe mbi të drejtat e tyre si konsumator.

### Fuqizimi i kapaciteteve njerëzore

- Trajnime të vazhdueshme të stafit për rritjen e shkallës së njohurive në fushat përkatëse.
- Në kuadër të projektligjit “Për Inspektimin në Republikën e Shqipërisë”, si dhe nevojës për shtimin e kapaciteteve institucionale të ISHMT referuar rekomandimeve të BE, ISHMT ka hartuar një strukturë të re e cila rrit ndjeshëm numrin e stafit dhe shton strukturat institucionale në krahasim me parashikimet e Urdhër nr. 73, datë 01.06.2020 “Për miratimin e Strukturës dhe Organikës së Inspektoratit Shtetëror të Mbikëqyrjes së Tregut”.

### **Bashkëpunimet ndërinstitucional dhe Rajonal**

- Rritja e bashkëpunimit ndërinstitucional në fushën e mbikëqyrjes së tregut dhe të pronësisë intelektuale.
- Fuqizimi i bashkëpunimit të ISHMT-së me Autoritetet e Mbikëqyrjes së Tregut të vendeve të Rajonit për shkëmbim eksperience dhe të përvojave më të mira.

### **Zbatimi i procedurave të inspektimit me korrektësi**

- Kryerja e inspektimeve me tablet nga të gjithë inspektorët;
- Implementimi i programit i protokoll matjeve për parapaketimet (Program në EXCEL) në sistemin e-inspektimi duke evituar përdorimin e kiteve;
- Kryerja e inspektimeve me njoftim me njoftim paraprak të subjektit me përjashtim të inspektimeve të atyre fushave i cili mund të çënojë mbarëvajtjen e procesit, dhe kjo do të jetë e shoqëruar më një informacion bazuar në ligjet e posacme brenda fushë veprimtarisë së ISHMT-së.

### **Informimi**

- Informimi i operatorëve ekonomikë për zbatimin e kritereve ligjore mbi sigurinë e produkteve joushqimore si dhe mbi respektimin e të drejtave të pronësisë intelektuale.
- Informimi dhe ndërgjegjësimi i konsumatorëve mbi sigurinë e produkteve dhe mbi të drejtat e tyre si konsumator.

### **Fuqizimi i kapaciteteve njerëzore**

- Trajnime të vazhdueshme të stafit për rritjen e shkallës së njohurive në fushat përkatëse.
- Në kuadër të projektligjit “Për Inspektimin në Republikën e Shqipërisë”, si dhe nevojës për shtimin e kapaciteteve institucionale të ISHMT referuar rekomandimeve

të BE, ISHMT ka hartuar një strukturë të re e cila rrit ndjeshëm numrin e stafit dhe shton strukturat institucionale në krahasim me parashikimet e Urdhër nr. 73, datë 01.06.2020 “Për miratimin e Strukturës dhe Organikës së Inspektoratit Shtetëror të Mbikëqyrjes së Tregut”.

### **Bashkëpunimet ndërinstitucional dhe Rajonal**

- Rritja e bashkëpunimit ndërinstitucional në fushën e mbikëqyrjes së tregut dhe të pronësisë intelektuale.
- Fuqizimi i bashkëpunimit të ISHMT-së me Autoritetet e Mbikëqyrjes së Tregut të vendeve të Rajonit për shkëmbim eksperience dhe të përvojave më të mira.

## **VI. SFIDAT**

Përgjatë vitit 2025 sfidat e hasura në veprimtarinë e ISHMT-së janë:

### **Mungesa në logjistikë**

Si një problematikë kryesore evidentohet mungesa e logjistikës për inspektime në terren dhe mbarëvajtjen e punës në ISHMT, e cila përfshin mungesën e automjeteve, të ambienteve për magazinimin e produkteve të bllokuara, etj. Konkretisht mungesat e mjeteve të transportit për trupat inspektuese në kryerjen e detyrave funksionale të institucionit, sjellin vështirësi në realizimin e planit të inspektimeve, duke pasur në konsideratë shtrirjen e gjerë territoriale (i gjithë territori i vendit) të ushtrimit të funksionit të ISHMT-së. Automjetet në pronësi të ISHMT-së të cilat janë në dispozicion të trupave inspektuese janë marrë me kalim kapitali nga DPM dhe MFE(MEII), të cilat janë të amortizuara dhe kanë shfaqur probleme gjatë kryerjes së punës.

### **Nevoja për ristrukturim të institucionit**

Ristrukturimi dhe shtimi i stafit diktohet nga disa faktorë:

- Harmonizimit të legjislacionit aktual me direktivat dhe rregulloret e BE në fushën e mbikëqyrjes së produkteve dhe në fushën e pronësisë intelektuale ka çuar në rritjen e gamës së produkteve /pajisjeve/instalimeve që janë pjesë e fushë veprimtarisë së ISHMT-së (qeset plastike mbajtëse, aeroplanët pa pilot, emetimi i CO2, kimikatet, pajisjet e gazit, pajisjet aerosol, takëmet në kontakt me ujqimin, etj). ISHMT është institucion raportues për Kapitullin 1, 28 dhe 7 si dh për nën/kapituj të Kapitujve 12, 14, 24, 27. Në fushën e Pronësisë intelektuale Ligji për të Drejtën e Autorit dhe të drejtat e tjera të lidhura me to, parashikon 12 fusha të të drejtave të autorit që gëzojnë mbrojtje, por aktualisht inspektohen vetëm 4 fusha. Rritja e gamës së fushave të inspektimit, shton nevojën për shtimin e stafit.

- Institucion përgjegjës për zbatimin e Neneve 5, 7,8,9,11,12,18,31,32,33,52/pika 5 të Ligjit nr. 9902 datë 17.04.2008 “Për mbrojtjen e konsumatorëve”, i ndryshuar.
- Shtimi i fluksit shumë të lartë të praktikave administrative që shtrton nevojën për rritjen e numrit të juristëve në Drejtorinë e Shërbimeve Mbështetëse.

### **Nevoja për përmirësime të legjislacionit në fushën e Mbikëqyrjes së Tregut dhe të Pronësisë Intelektuale**

#### *Për ashensorët*

- Në zbatim të Ligji 10489 , datë 15.12.2011 “Për tregtimin dhe mbikqyrjen e tregut të produkteve joushqimore”, i ndryshuar, i cili është ligj horizontal nuk parashikon detyrime ligjore për instaluesit dhe mirëmbajtësit e ashensorëve në instalim, të cilët janë hallka kryesore, për sa i përket instalimit dhe përdorimit të ashensorëve. Mungesa e këtyre parashikimeve krijon një boshllëk ligjor dhe pamundësi për zbatimin e akteve ligjore përkatëse, gjithashtu referuar problematikave të hasura në zbatimin e legjislacionit të sipërpërmendur është i domosdoshëm ndryshimi i legjislacionit në fuqi për ashensorët dhe parashikimi i masave administrative për instaluesit dhe mirëmbajtësit e ashensorëve.
- Në zbatim të Ligji 10489 , datë 15.12.2011 “Për tregtimin dhe mbikqyrjen e tregut të produkteve joushqimore”, i ndryshuar VKM-së dhe 1056 “Për sigurinë e ashensorëve në përdorim”, është evidentuar problematika në lidhje me personin përgjegjës (administratorin e pallatit) për ndërtesat në bashkëpronësi, pasi në një pjesë të madhe të ndërtesave nuk ka administrator pallati, gjë që e bën të pa mundur realizimin e një inspektimi në përputhje me procedurën e miratur sipas legjislacionit në fuqi, pasi në çdo rast kërkohet një person përgjegjës (administrator ) për instalimin.
- Në zbatim të Ligji 10489 , datë 15.12.2011 “Për tregtimin dhe mbikqyrjen e tregut të produkteve joushqimore”, i ndryshuar VKM-së dhe 1056 “Për sigurinë e ashensorëve në përdorim”, problematikë është mungesa e një procedure për ndalimin e përdorimit të instalimit (ashensorit).
- Në kuadër të procesit të derregullimit mbi lehtësimin e ofrimit të shërbimeve publike për qytetarët, Inspektorati Shtetëror i Mbikëqyrjes së Tregut ka identifikuar nevojën për ndërhyrje në disa akte nënligjore me efekt lehtësimin e procedurave për subjektet, konkretisht në shërbimin për pajisjen me certifikatë për regjistrimin e ashensorit, pika 4.1 e VKM Nr. 1056, datë 23.12.2015 “Për miratimin e rregullit teknik “Për sigurinë e ashensorëve në përdorim”, i ndryshuar.

#### *Për detergjentët*

- Kërkohet mbështetje me ekspertizë ligjore për finalizimin e draft ligjit për detergjentët (ndryshimin e Ligjit nr. 10 216, datë 21.1.2010 “Për detergjentët”).

*Rishikimi i kuadrit ligjor për blerjet online*

- Rëndësia e përputhshmërisë, sigurisë së produktit dhe mbrojtjes së konsumatorit po rritet me rritjen e tregtisë elektronike dhe zgjerimin e gamës së produkteve të konsumit që mund të blihen online. Dyqane elektronike dhe platformat online mund të ofrojnë produkte që nuk plotësojnë kërkesat ligjore ose janë të pasigurta dhe si rrjedhojë lind nevoja për rishikimin e ligjit nr. 9902, datë 17.04.2008 “Për mbrojtjen e konsumatorëve” ku kontrolli dhe zgjidhja e ankesave online do të vendoset si kompetencë e ISHMT. Momentalisht ISHMT nuk ka infrastrukturë për kryerjen e inspektimeve në platforma online, media sociale të cilat shesin produkte online për shkak se zgjidhja e ankesave për blerjet online është e pamundur nëse ka mungesë të informacionit të tregtuesit si NIPT dhe adresë fizike. Gjatë periudhës Janar-Gusht 2024 ISHMT ka trajtuar 20 ankesa nga të cilat 12 ankesa janë bërë si pasojë e blerjeve online dhe në mungesë të të dhënave të tregtarit si NIPT dhe adresë ku ushtrohet aktiviteti, gjithashtu në mungesë të aksesit në platformat online është e pamundur të kryhet inspektim dhe këto ankesa të zgjidhen. Gjithashtu në vazhdim nëse tregtia online do të jetë kompetencë e ISHMT do të nevojiten kapacitete të shtuara njerëzore, trajnimi i tyre në këtë fushë dhe gjithashtu sigurimi i softëare të cilat bëjnë të mundur aksesin e ISHMT në këto platforma.

*Për pajisjet e aerosolit dhe pajisjet e gazit*

- ISHMT ka paraqitur pranë MEKI probelmatika që lidhen me zbatueshmërinë e Vendim nr. 925, datë 25.11.2020 Për miratimin e rregullit teknik “ Për pajisjet e aerosolit” dhe projekt VKM “Për pajisjet e gazit” që përafron rregulloren GAR, i ardhur për konsultim publik.

*Për pronësinë intelektuale*

- Mungesa e akteve nënligjore në lidhje me disa nga fushat për të cilat Sektori i të Drejtave të Autorit realizon inspektime, e vështirëson procedurën e inspektimit dhe lë hapësirë për interpretime të ndryshme për të njëjtën çështje siç është për shembull transmetimi në publik i veprave audio-vizuale dhe kontrolli i programeve kompjuterike (aksesimi në këto programe gjatë realizimit të inspektimit).

**Nevoja për trajnime dhe fushata sensibilizuese**

Përmirësimi dhe miratimi i akteve ligjore dhe nënligjore në fushën e mbikëqyrjes së tregut dhe Pronësisë Intelektuale ka sjellë zgjerim të fushë veprimtarisë së ISHMT dhe kjo shtron nevojën për trajnime të vazhdueshme për fusha të reja si për aeroplanët pa pilot, kimikatet, pajisjet aerosol, programet kompjuterike, etj.

Informimi i konsumatorëve dhe operatorëve ekonomik në lidhje me kërkesat ligjore që shtron legjislacioni dhe procesi i integritimit European kërkon ndërmarrje të fushatave sensibilizuese dhe informuese.

**Nevoja për ndryshime procedurale**

- Lehtësim procedure prokurimi për produktet që duhet t'i nënshtrohen analizave laboratorike në laboratorë të huaj, duke patur në konsideratë që në Shqipëri ekziston vetëm një laborator i akredituar për analizat e tekstit dhe lëkurës, ndërsa për produkte të tjera që janë në fokusin e inspektimit të ISHMT-së si: lodra, detergjentë, produkte të kujdesit për fëmijë, etj., analizat duhet të kryhen në laboratore të akredituar të huaj. Kjo procedurë do të ndihmojë që përgjigjet e testimeve të produkteve joushimore nga laboratorët e akredituar të mos i tejkalojnë afatet ligjore për marrjen e vendimit përfundimtar të inspektimit.
- Në kuadër të bashkëpunimit dhe raportimit të përbashkët në vendet e rajonit dhe me gjerë, bëhet e nevojshme përdorimi i kiteve/pajisjeve për vlerësimin e sigurisë së produkteve të hedhura në treg, dhe kjo shtron nevojën për rritjen e numrit të kiteve/pajisjeve/testeve nga inspektorët gjatë procesit të inspektimit si dhe nevojën për trajnime më të avancuara për përdorimin e tyre.
- Implementimi i procesit të regjistrimit të ashensorëve nëpërmjet portalit *e-albania* do të sjell lehtësim të subjekteve, personave në dorëzimin e dokumentave përkatëse dhe në pajisjen me certifikatën e regjistrimit të ashensorit nga ISHMT.

**Mungesa e përditësimit të adresave të subjekteve në QKB**

Mungesa e përditësimit të adresave të subjekteve në QKB, ka sjellë që shumë inspektime të mos kryhen sepse subjektet nuk gjenden nga inspektorët në adresat që ata kanë deklaruar në QKB. Kontaktet janë të paarrtshme dhe shumë subjekte që rezultojnë në databaza të institucioneve si DPD dhe DPT si aktive, pra si importues apo tatimpagues aktiv, në terren nuk evidentohen sipas adresave të deklaruara. Gjithashtu deklarimi i objektit të veprimtarisë së subjekteve në mënyrë fiktive në QKB është një problematikë e hasur.

**VII. ANEKS****Tabela 1: Indikatorët mbi procesin e inspektimit**

Nr.	Treguesit e vlerësimit të veprimtarisë inspektuese	Përqindja (%) e peshës specifike për çdo tregues	Kritere të vlerësimit të treguesit	Realizimi	Përqi ndja	Përqindja e peshës specifike e ponderuar	Përqindja e peshës specifike	Vlerësimi 1	Vlerësimi 2	Vlerësimi 3	Vlerësimi 4
1	Inspektime të programuara	15	numri i inspektimeve të kryera brenda programit (numri i inspektimeve të kryera jashtë programit)/numri i inspektimeve të kryera gjithsej	95.4	0.95	14.3129	14.30	≤ 20%	20-50%	50-80%	80-100%
2	Inspektime të autorizuara	9	numri i autorizimeve me programim (numri i autorizimeve jashtë programit)/numri i autorizimeve të gjeneruara	95.4	0.95	8.5877	8.60	≤ 20%	20-50%	50-80%	80-100%
3	Njoftimi i inspektimeve	9	numri i inspektimeve të njoftuara (numri i inspektimeve të panjoftuara)/numri i inspektimeve të kryera gjithsej	65.9	0.66	5.9337	5.9	≤ 20%	20-50%	50-80%	80-100%
4	Kohëzgjatja e inspektimit	7	numri i inspektimeve për të cilat është kërkuar shtyrje e kohëzgjatjes së tyre apo atyre që kalojnë kohën maksimale të inspektimit në subjekt/ numri i përgjithshëm të inspektimeve	0.2	0.00	0.0172	0.0	≤ 20%	20-50%	50-80%	80-100%
5	Rezultati nga marrje mostre	7	numri i shkeljeve të kërkesave ligjore të konstatuara nga analiza e mostrave/numri i mostrave të marra	-	-	-	-	≤ 20%	20-50%	50-80%	80-100%
6	Masat urgjente të marra	8	numri i masave urgjente/numri i procesverbaleve të inspektimit	1.1	0.011	0.0883	0.1	≤ 20%	20-50%	50-80%	80-100%
7	Revokimet nga ankimet administrative	4	numri i vendimeve të revokuara/ numri i ankimeve administrative gjithsej	-	-	-	4.0	80-100%	50-80%	20-50%	≤ 20%
8	Revokime nga vendime të gjykatës	4	numri i vendimeve të rëzuara/numri i ankimeve gjyqësore gjithsej	-	-	-	4.0	80-100%	50-80%	20-50%	≤ 20%
9	Dënime administrative të vendosura	4	numri i dënimeve administrative të vendosura (ndjekje penale)/ numri i procesverbaleve të inspektimit	4.8	0.05	0.1914	0.2	≤ 20%	20-50%	50-80%	80-100%
10	Shkelje e procedurës së inspektimit	10	numri i revokimeve për shkak të shkelejes së procedurës së inspektimit/numri i ankimeve gjithsej	-	-	-	10.00	80-100%	50-80%	20-50%	≤ 20%
11	Respektimi i vendit të inspektimit	3	numri i inspektimeve të kryera jo në vendin e përcaktuar në autorizim/ numri i inspektimeve gjithsej	-	-	-	3.00	80-100%	50-80%	20-50%	≤ 20%
12	Dënime administrative të ekzekutuara	2	numri i dënimeve administrative kryesore apo plotësuese të ekzekutuara/ numri i dënimeve administrative gjithsej	-	-	-	-	≤ 20%	20-50%	50-80%	80-100%
13	Numri i inspektimeve të kryera	2	numri i inspektimeve të kryera/ numri i inspektimeve të planifikuara	95.4	0.95	1.9084	1.9	≤ 20%	20-50%	50-80%	80-100%
14	Dënime administrative gjoba në vlerë absolute	2	shuma absolute e gjobave/ të ardhura gjithsej	-	-	-	-	≤ 20%	20-50%	50-80%	80-100%
15	Rregullsia e dokumentimit të procesit të inspektimit	10	numri i inspektimeve me shkelje të ndëshkuara me ecuri disiplinore për inspektorët/ numri i inspektimeve gjithsej	-	-	-	10.00	80-100%	50-80%	20-50%	≤ 20%
16	Etika dhe sjellja e inspektorëve shtetërorë	4	numri i inspektorëve me shkelje të etikës/numri i inspektorëve gjithsej	-	-	-	4.00	80-100%	50-80%	20-50%	≤ 20%
<b>Treguesit specifikë e vlerësimit të veprimtarisë inspektuese</b>											
1	Treguesi i objektivit strategjik apo vjetor I		Kriteri i matshëm i vlerësimit				66				
	Treguesi i objektivit strategjik apo vjetor II		Kriteri i matshëm i vlerësimit								

Tab.2: Të dhëna mbi inspektimet sipas fushë veprimtarive të ISHMT-së, viti 2025

Sektori/grup produktet	Numër inspekt. në total	Nr inspekt. të programuara	Nr.inspektimesh të papprogramuara	Gjoha	Pararalajmërim	Masa Urgjente	Masa administrative total	Nu mër produktesh të kontrolluar	Numër produktesh jo në konformitet
<b>Sektori I Inspektimit Metrologjik</b>	<b>815</b>	<b>813</b>	<b>2</b>		<b>1</b>		<b>1</b>	<b>1975</b>	<b>1</b>
Parapaketim	717	716	1				<b>0</b>	1224	
Instrumenta matëse në përdorim	103	103			1		<b>1</b>	906	1
Instrumenta matëse që hidhen në treg	6	6						6	
Qese	<b>1</b>		1					<b>1</b>	
<b>Sektori I Produkteve Elektrike</b>	<b>587</b>	<b>574</b>	<b>13</b>		<b>9</b>		<b>9</b>	<b>819</b>	<b>1</b>
<b>Sektori I Produkteve Mekanike</b>	<b>171</b>	<b>168</b>	<b>3</b>		<b>55</b>		<b>55</b>	<b>378</b>	<b>119</b>
Ashensore	132	132			51		55	289	111
PMP	15	15			1		1	50	3
Makineri	18	18			2		2	27	3
Enët e thjeshta në presion									
Pajisjet e gazit	6	6			1		1	12	2
<b>Sektori Kimik dhe Sig. Përgjithshme</b>	<b>377</b>	<b>354</b>	<b>23</b>		<b>9</b>	<b>2</b>	<b>11</b>	<b>2622</b>	<b>64</b>
Lodra	23	23						97	
Mbrojtja e konsumatorit	119	102	17		6		6	1131	28
Siguria e përgjithshme	24	19	5			2	2	97	2
Detergjente	70	69	1		3		3	460	32
Tekstil	116	116			1		1	686	2
Veshje këmbë	25	25						151	
<b>Drejtoria e Mbikëqyrjes së Produkteve</b>	<b>1950</b>	<b>1909</b>	<b>41</b>		<b>75</b>	<b>2</b>	<b>77</b>	<b>5794</b>	<b>74</b>
Sektori i të Drejtave të Autorit	244	241	3	7	5		12		
Sektori I Pronësisë Industriale	251	183	68	3	34		37		
<b>Drejtoria e Pronësisë Intelektuale</b>	<b>495</b>	<b>424</b>	<b>71</b>	<b>10</b>	<b>39</b>		<b>49</b>		
<b>TOTALI</b>	<b>2445</b>	<b>2333</b>	<b>112</b>	<b>10</b>	<b>114</b>	<b>2</b>	<b>126</b>	<b>5794</b>	<b>74</b>

Tabela 3: Realizimi i Planit të inspektimeve sipas sektorëve, viti 2025

Sektori/grup produktet	Numër inspektimesh Planifikuar	Inspektime realizuar	%
Sektori I Inspektimit Metrologjik	984	815	83%
Sektori I Produkteve Elektrike	735	587	80%
Sektori I Produkteve Mekanike	223	171	76.7%
Sektori Kimik dhe Sig. Përgjithshme	443	377	85%
<b>Drejtoria e Mbikëqyrjes së Produkteve</b>	<b>2389</b>	<b>1969</b>	<b>82.4%</b>
Sektori i të Drejtave të Autorit	630	244	38.7%
Sektori i Pronësisë Industriale	348	251	72%
<b>Drejtoria e Pronësisë Intelektuale</b>	<b>978</b>	<b>495</b>	<b>50.6%</b>
<b>TOTALI</b>	<b>3364</b>	<b>2464</b>	<b>73.2%</b>